



Inatsisartunut ilaasortaq, Agathe Fontain
Inuit Ataqtigiit
/MAANI

Umiarsualiviit aamma mittarfiit pillugit § 37 naapertorlugu apeqquteqaammut nr. 2015-257-imut akissuteqaat

Brevdato: 03-11-2015
Sags nr. 2015-14072
Dok. nr. 1469385

Asasara Agathe Fontain

Umiarsualiviit mittarfiillu pillugit apeqquteqaatinnut qujanaq.

Matuma kinguliani apeqqutit issuarneqarput malitsigisaanillu akissuteqaatitaqarlutik.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

1. Ilumoorpa Namminersorlutik Oqartussat umiarsualivinnut pilersaarut pillugu tusarniaasimasut upernaq 2015-imi?

Aap, ilumoorpoq. Tusarniaanermut akissuteqaateqarnissamut 18. maj 2015 killissaliunneqarnikuuvoq.

2. Ilumoorpa Kangerlussuup talittarfissaanik sanaartornissamik pilersaarusiamik umiarsualivinnut pilersaarut imaqartoq?

Suliassaqarfinnut pilersaarut, qanittumi suliaralugu naammassisusaaq, pingaarnersiuiinermi marlunnik tulleriiarinernik imaqarpoq. Pingaarnersiuiinerni taakkunani marluusuni umiarsualiviit timitaannut tunngasut, kiisalu allilerinerusinnaasut inuussutissarsionerni periarfissaritarisinnaasaat aallaavigineqarput. Pingaarnersiuiinermi 1-imi Kangerlussuaq taaneqarpoq. Tassani oqaatigineqarpoq, umiarsualivimmik atuineq ullumikkutut iinnassappat, umiarsualiveqarfiup piginnaasaata annertusineqarnissaa pisariaqartinneqartussaasoq. Taamaattoq attaveqaqatigiinnerup tamakkiisumik isiginiarnissaa pingaaruteqartorujussuuvoq. Naalakkersuisut pingaartippaat Kalaallit Nunarput tamakkerlugu ataqtigiissumik pissutsinut naleqquttunik aammalu ataqtigiissumik attaveqaqatigiinneq ilusiligaassasoq, nunatsinnik tamarmik ataqtigiissitsisuulluni. Taamaattumik umiarsualivimmut tunngatillugu inaarutaasumik aalajangiisoqannginnerani, Kangerlussuarmi mittarfimmut pilersaarutit aamma isiginiarneqartariaqarput, tassami mittarfiup aamma umiarsualiviup akornanni annertoorujussuarmik sunniuteqaqatigiissitsinissaq periarfissaqarfiusussaammat.

3. Naalakkersuisut paasissutissiissutigisinnaanerlugu, sooq umiarsualivinnut pilersaarut Inatsisartunut ukiaanerani ataatsimiinnermi saqqummiunneqannginnersoq, kiisalu sooq aningaasaqarnermut inatsimmi ilanngunneqarsimangitsoq?

Tusarniaanermut akissuteqaatit suliassa qarfinnut pilersaarutini ilanngunneqarnissaannik suli qarneq ingerlasoq naammassiniariarpat, suliassa qarfimmu pilersaarut Naalakkersuisunut saqqummiunneqassaaq. Suli qarneq taanna 2015-ip naanerani naammassineqassasoq naatsorsuutigineqarpoq.

Suliassa qarfimmu pilersaarummi umiarsualivinni aningaasaleeqqinnissaq kiisalu umiarsualivinnut suliassa qarfiup ineriartortinneqarnissaa sammineqarput. Immikkoortumi matuma kingulianiittumi 2016-imut aningaasanut inatsisissatut siunnersuummi kontut, aningaasaleeqqinnermut aamma ineriartortitsinnermut atorneqarsinnaasut, allatorneqarput.

Aningaasaleeqqinnermut konto 87.73.12 – Umiarsualivinnut talittarfinnullu aningaasaliissutit, atorneqartussaavoq. Suliassa qarfiup ineriartortinneqarnissaanut assersuutigalugu konto 87.11.09 atorneqarsinnaavoq. Konto taanna sillimmataavoq, ilaatigut suliassanik aalajangersimasunik Assartuussineq pillugu Isumalioqatigiissitami sammineqarsimasunik sanaartornissamut pilersaarusiortermit atorneqarsinnaasoq. Taakkua suliassaapput ataatsimoorlutik inuiaqatigiit aningaasaqarnerannut pitsaasumik iluaqusiisussat.

Tassunga atatillugu taamatutaaq 2015-imi ukiaanerani ataatsimiinnermi aalajangiiffigisassatut siunnersuutip normu 18-ip isiginiarneqarnissaa pisariaqarpoq. Tassani mittarfinnik sanaartornissamut pilersaarusiorterup sanaartornerullu saniatigut, taamatutaaq attaveqarneq ataatsimoorloq ilanngunneqarpoq, ilanngullugu Kangerlussuarmi pissutsinik annertunerusumik pitsaanerulersitsinissaq – umiarsualivimmi taamatullu mittarfimmi atortorissaarutini. Taamaattumik Kangerlussuarmi umiarsualiviup siunissaa taamatutaaq aalajangiiffigisassatut siunnersuut qanoq tiguneqassanersoq apeqqutaavoq.

4. Ilumoorpa, Namminersorlutik Oqartussat mittarfiliornissamut pilersaarutip missingersuutaa pillugu tusarniaasimasut upernaakkut 2014-imi?

Ineqarnermut, Sanaartornermut Attaveqatigiinnermullu Naalakkersuisoqarfiup ulloq 1. aamma 2. april 2014 Kangerlussuarmi ataatsimiinnermi timmisartumik angallannermut suliassa qarfimmu pilersaarut taassumalu siunissaa pillugit Qaasuitsup Kommunia, Qeqqata Kommunia, Kommuneqarfik Sermersooq aamma Kommune Kujalleq, Air Greenland, Mittarfeqarfiit, IASN, PAN kiisalu siunnersortit oqaloqatigai. Tamama kingorna kommunita tamaasa, PAN kiisalu siunnersortit ulloq 20. aamma 21. maj 2014 ataatsimeeqatigineqarput. Ataatsimeeqatigiinnerit taakkua oqarasuaatikkut ingerlanneqarput.

Missingiutaagallartoq ulluni 01/04/2014-02/04/2014 aamma 20/05/2014-21/04/2014 tusarniaassutigineqarpoq.

5. Ilumoorpa, mittarfiliornissamut pilersaarutip missingersuutaa mittarfinnik 1.199 meterinik takissusilinnik Qaqortumi, Tasiilami, Ilulissani Nuummilu sanaartornissamik pilersaarummik imaqartoq?

Timmisartumik angallannermut suliassa qarfimmu pilersaarut suli akuerineqanngilaq aammalu suli suliarineqarluni. Taamaattoq oqaatigisinnaavara Qaqortumut, Tasiilamut, Ilulissanut aamma Nuummumut tunngatillugu mittarfiit takissusaannut aamma

suussusaannut assigiinngitsunut periarfissat qimerloorneqarmata, tassani mittarfiit ataasiakkaat atorsinnaassusaat aamma mittarfiup angallavinni tamarmiusuni atuuffeqarnera pingaartinneqarlutik.

6. Naalackersuisut paasissutissiissutigisinnaanerlugu, mittarfiliornissamut pilersaarussiaq naammassisimanersoq?

Timmisartumik angallannermut suliassaqarfimmut pilersaarut ingerlaavartumik naleqqussarneqartarpoq, tassami politikerit tungaanniit aalajangiisoqareemat suliassaqarfinnut arlalinnut, ilanngullugu timmisartumik angallassinermut suliassaqarfik, ukiunut 10-inut suliassaqarfinnut pilersaarutiniq suliartoqartassasoq. Ineqarnermut, Sanaartornermut Attaveqatigiinnermullu Naalackersuisoqarfik (ISAN) suliap ingerlanerani Namminersorlutik Oqartussat suliassaqarfinnut pilersaarutaannut allanut killigititassanik ataqatigiissaarivoq aammalu siunissami taamaaliussalluni. Nassuiaatigisinnaavara timmisartumik angallassinermut suliassaqarfimmut pilersaarut naammassineqanngimmat, kisianni naatsorsuutigaara 2016-imi qaammatit pingasut siullit ingerlaneranni naammassineqassasoq.

7. Naalackersuisut paasissutissiissutigisinnaanerlugu, sooq Naalackersuisut ukiaanerani ataatsimiinnissamut siunnersuuteqarsimanersut ”mittarfinnik pilersaarusiornissamut sanaartornissamullu Naalackersuisut peqquneqarnissaannik Inatsisartut aalajangiiffigisassaa”-nnik Inatsisartut periarfisseqqaarnagit sanaartornissamik pilersaarut inaarneqarnikoq atuarnissaanik?

Timmisartumik angallassinermut suliassaqarfimmut pilersaarut ineriartortuatutut allakkiaasoq, paasissutissat pissarsiarineqarsinnaasut nutaanerpaat aallaavigalugit sularineqartarpoq, piviusuuvoq. Mittarfimmik sanaartornissamut pilersaarusiorneq apeqqutiniq timmisartumik angallassinermut suliassaqarfimmut pilersaarummut pingaaruteqartunik paasinarsitsinissamut iluaqutaassaaq.

8. Oqaaseqaat eqqartorneqangaatsiarloq Kangerlussuup mittarfiata nutarterneqarnissaanut missingersuusiaq, Naalackersuisut saqqummiullugu nassuiaassinnaanerlugu?

Oqaatigisinnaavara allakkiaat ”Kangerlussuarmi Aningaasaliinissamut pisariaqartitsineq”-mut tunngassuteqartut attaveqatigiinnermut immikkoortortaqrarfiup ataani silaannakkut angallassinermut suliassaqarfimmut piniarneqarsinnaammata.

Allakkiaq aningaasaliinissamut pisariaqartitsinermut naatsorsueqqissaarnertaqanngitsumik missingersuinerimik imaqrarpoq. Tassani mittarfiup iluarsaanneqarnissaanut, timmisartut unittarfiinut, taxiway-inut, Mittarfeqarfiit illuutaannik nutarterinermut, innaallagiamik pilersuinerimut, imermik pilersuinerimut, kiassarnermik pilersuinerimut aamma tankeqarfinnut aningaasaliinernut aningaasaliissutit naatsorsorneqartut, aallaavigineqarput.

Mittarfippiaap, timmisartut unittarfiata avannarliup aamma taxiway ataatsip iluarsaanneqarnerat, timmisartut unittarfiata kujalliup saavanit aamma taxiway pingasut

iluarsaanneqarnissaannit akikinnerusussatut naatsorsorneqarpoq. Kisianni tamanna siunissami aammalu mittarfinnik atuinerup annertusiartornissaa apeqqutaatillugu, timmisartut unittarfiat kujalleq aamma taxiway pingasut iluarsaanneqassanngitsut aalajangiisoqassappat, timmisartunut unittarnerannut atatillugu isertitaqarsinnaanerusinnaagaluartut annertoorujussuarmik annikillisussaapput. Allakkiami nalilersuinerit, pingaartumik nunamut toqqaviusumut tunngasut, ilanngullugu minnerunngitsumik nunap qeriuannartup inissisimamera, pillugit ilimagisaqarnernik aallaaveqartut, saqqummiunneqarput.

9. Naalackersuisut paasissutissiissutigisinnaanerlugu, kiap Kangerlussuup mittarfiata nutarterneqarnissaanut missingersuusiq suliaralugulu suliarilluarneqarneranillu isumannaarisuusimanersoq?

Allakkiaq Mittarfeqarfinit suliarineqarpoq. Mittarfeqarfiit aamma mittarfiit qanoq issusaannut missingersuinertik pitsaanerulersinniarlugu Grontmij A/S saaffigisimavaa, mittarfiup qaavanik ornigulluni misissuisimasoq.

10. Naalackersuisut paasissutissiissutigisinnaanerlugu, siunnersortit sorliit nunap ilua qeriuannartoq pillugu ilisimasallit Kangerlussuup mittarfiata nutarterneqarnissaanut missingersuut suliarilluagaaneramik isumannaarisuusimanersut?

Kangerlussuarmi mittarfiup ataani nunap qeriuannartup qanoq issusaanik misissuinissamut ingerlaqqinnginnermi, arlalinnik misissuisoqartussaavoq. Maannamut siunnersortinut suliffeqarfiup Grontmij-ip sumiiffiit sorliit annertunerusumik misissuiffigineqarnissaat pisariaqartinneqarnersoq takuniarlugu Mittarfeqarfiit suleqatigalugit Ilulissani, Kangerlussuarmi aamma Nuummi mittarfiit qalliutaasa qanoq issusaat misissorpaa.

Suliffeqarfik qillerummit qaqitassanik misissuinernik atuilluni Kangerlussuarmi mittarfiup toqqavianik misissuissasoq Ineqarnermut, Sanaartornermut Attaveqarnermullu Naalackersuisoqarfiup Grontmij isumaqatigiissuteqarfigissallugu pilersaaruteqarpoq, tassani Grontmij-ip qalliutip qanoq issusaanik misissueqqissaareernerata kingorna, toqqaviup qanoq issusaa pillugu oqartoqarsinnaalissalluni.

11. Naalackersuisut assingusumik oqaaseqaatiliorsimanerlutik Nuummi mittarfiup nutarternissaanut aningaasartuutissat pillugit, taassumap ataani pilersuinerimi illuutit illorsuillu Nuummiittut nutarterneqarnerisa aningaasartuutissaat?

Kangerlussuarmi mittarfiup ingerlanneqarneranut atuunneranullu pilersuinermit atortut aamma illuutit taassuma eqqaaniittut, taakkua mittarfik iluarsaanneqassappat tamarmik nutarterneqartariaqalernerannik taarsersorneqartariaqalernerannillu pissutaasunik pisoqalisimasut aammalu amerikamiut sarfalioriaasiinik atuiffiusut, apeqqutaasorujussuupput. Aamma oqaatigineqassaaq mittarfik Nuummi mittarfimmit pisoqaanerungaatsiarmat aammalu siunissami qanittumi minnerpaamik ilaannakortumik iluarsaanneqartussaalluni.

Maannakkorpiaq Nuup Mittarfianik taassumalu pilersuinermit atortuinik illutaannillu iluarsaassinermi aningaasartuutissat pillugit taamaaqataanik allakkiamik suliaqarnissaq naleqqutinngilaq. Nuummi Mittarfimmi iluarsaassinermut aningaasartuutissat misissorneqarnissaat siunissami naleqqutilersinnaasoq ilimanarpoq.

12. Taamaangippat Naalackersuisut missingersuisinnaanerlutik Nuummi nutarterinerit eqqaaneqartut aningaasartuutissat pillugit?

Apeqqummut 11-imut akissuteqaat takuuk. Naalackersuisut maannakkorpiaq Nuummi Mittarfimmi iluarsaassinermut aningaasartuutaasussat missingersorsinnaangilaat.

Neriuppunga matuma siuliani allassimasuni apeqqutitit tamakkiisumik akineqarsimassasut

Inussiarnersumik inuulluaqqusillunga

Knud Kristiansen